



Skulefagleg ansvarlege
I kommunane og
fylkeskommunen

Invitasjon til samling for skulefagleg ansvarlege 6. og 7. desember 2018

Fylkesmannen inviterer til ei lunsj til lunsj-samling på Solstrand Hotel & Bad **6. – 7. desember 2018**. Denne samlinga tar utgangspunkt i skuleeigarrolla, og som tidlegare år vil vi veksle mellom innspel i plenum og drøftingar og erfaringsutveksling. Kommunane sin time vert lagt til slutten av første dagen av samlinga.

Ytre ramme

Vi startar som vanleg med lunsj kl. 12.00 første dagen. Programmet startar kl. 13.00 og held fram til kl. 17.15. Deretter blir det kommunane sin time. Dag to vert avslutta med lunsj seinast kl. 12.30.

Om innhaldet

Vi vidarefører arbeidet vårt knytt til *fagfornyinga* og skuleeigarrolla. Parallelt med sjølve arbeidet med læreplanane for fag utarbeider Utdanningsdirektoratet støttmateriell herunder kompetansepakkar for skulebaserte løp. Korleis kan skuleeigar nyttiggjere seg av dette støttemateriellet for å sikre gode prosessar på skulane? Korleis blir skuleeigar si rolle med tanke på dei høge ambisjonane ein har for dei nye læreplanane? Stikkord er mellom anna koplinga til ny overordna del og verdiløft i læreplanane for fag, ny kompetansedefinisjon, djup læring, kjerneelement og ny fagspesifikk omtale av vurdering i faga.

Fagfornyinga blir følgt opp gjennom temaet *desentralisert kompetanseutvikling for skule*. Dei tre UH-institusjonane vil vere med oss denne dagen og saman vil vi drøfte dei føresetnadene som ligg til grunn for ordninga og dei prinsippa fylkesgruppa dette året blei samde om når det gjeld fordeling av midlane til regionar/kommunar/skular/friskular. Vi vil og gi eit innblikk i dei skulebaserte kompetanseutviklingstiltaka som etter kvart har starta opp i vårt fylke og synleggjere korleis arbeidet med denne ordninga blir vidareført.

På første delen av dag to vil arbeidet med *elevane sitt skulemiljø* vere tema. Fylkesmannen vil summere opp dei utfordringane vi ser at skulane har i si forståing av aktivitetsplikta og halde fram drøftinga av skuleeigar si rolle frå sist samling i januar.

Siste delen av samlinga vil vi bruke til å presentere utdannings- og verjemålsavdelinga hos Fylkesmannen i Vestland. Frå 1. januar 2019 vil det vere utdanningsseksjonar i Leikanger og i Bergen, og vi vil orientere om leing og arbeidsdeling mellom desse. Vi vil sjølvstøtt også

prøve å gi svar på eventuelle spørsmål om dette får konsekvensar for vår samhandling med kommunane.

Program ligg ikkje vedlagt denne invitasjonen, men det blir ettersendt så snart vi har fått programmet ytterlegare konkretisert.

Programposten «Kommunane sin time» blir ført vidare. Send saker til Fylkesmannen, og så vil vi sende dei samla vidare til regionsleiarane, som tek ansvar for å leie timen.

Påmelding

Påmeldingsfristen er sett til **10. november 2018**. Påmeldinga er bindande.

Vi har reservert rom på Solstrand med utgangspunkt i ein deltakar frå kvar kommune, men for nokre av dei større kommunane vil det kanskje vere aktuelt å vere to. Påmelding skjer på e-post til fmhoevb@fylkesmannen.no.

Ved påmelding må de gje beskjed om de ønskjer:

- Overnatting (med lunsj begge dagar, middag og frukost), kr. 3.335,-
- Dagpakke – ein eller begge dagane, kr. 682,- pr. dag
- Middag – dette gjeld berre dei med dagpakke, kr. 539,-

Namn:	
Kommune:	
Overnatting med fullpensjon:	
Dagpakke 6. desember (utan overnatting):	
Middag 6. desember for dei som ikkje overnattar:	
Dagpakke 7. desember:	

Deltakarane gjer opp med hotellet direkte. Dersom de vil ha tilsendt faktura, må dette ordnast med hotellet i forkant av samlinga.

Med helsing

Anne Hjermann
utdanningsdirektør

Eva Bendiksen
seniorrådgjevar

Brevet er godkjent elektronisk og har derfor inga underskrift.